

史學叢書

漢書辨疑

第十冊

郊祀志上

揖五瑞 尙書作輯史記及魏脩孔子廟碑並作揖古字通

故作畦時櫟陽而祀白帝 太康地理志云時在櫟陽故城南

其時若畦故爲畦時此司馬貞說也較顧注爲優

昔文公出臘 臘南雍本闕本皆作臘

來德人羨門之屬 來南雍本闕本皆作求

蚩尤在東平陸監鄉齊之西竟也 案續漢志東平陸有闕亭

劉昭曰左傳桓十一年會于闕杜預曰在須昌縣東南有闕

城博物記云卽此亭是也大昭案監與闕古字通齊太公世

家監止有寵焉索隱云左氏監作闕田齊世家亦作監止東

平陸與東郡之壽良接壤故地理志蚩尤祠在壽良

最居齊東北陽 陽史記作隅

元尙羨門高 元史記作充

而刻勒始皇所立石書旁 刻字闕本作胡亥二字

諸侯疾秦焚詩書 闕本秦下有皇字

畦雍四時上帝爲尊 時南雍本闕本並作時

秋涸凍冬賽祠 賽闕本作塞塞古賽字

故常以十月上宿郊見李奇曰上宿上齋戒也 闕本上齋戒

作月上旬闕本是

通權火張晏曰權火爇火也如淳曰權舉也師古從如說 惠

士奇曰郊見通權火蓋燔柴之遺法甘泉賦欽柴宗祈燎熏
皇天舉浩顙樹靈旗樵蒸焜上配藜四施東燭滄海西耀流
沙北嶺幽都南燭丹厓所謂通權火也惠說是張如顏三說
皆非是

祠天地天社天水房中當上之屬 當上史記作堂上南雍本

闕本與史記同下云則巫祠堂則梁巫祠堂上矣

其令天下立靈星祠 詩經衣序云高子曰靈星之尸也未知

卽此靈星與否

以郊見渭陽五帝五帝廟臨渭 闕本不重五帝二字

樂成侯登 史記無登字徐廣曰姓丁名義

鴻漸于般 今本周易作磐案屯初九磐桓利居貞隸釋仲秋

下旬碑作般桓知磐字古作般也

鼎宜視宗廟廣臧於帝庭 廣南雍本闕本作廟蓋其字本作

廟而譌爲廣耳廣古文廟字

黃帝得寶鼎靈候 靈候史記作宛胸

有星孛於三能 樂記注云古以能爲三台字王莽傳云三能

文馬

郊祀志下

封則天旱乾封三年 早闕本作下

登禮濤之天柱山號曰南嶽 初學記引盛弘之荊州記云衡

山者五嶽之南嶽也其來尙矣至於軒轅乃以嵩霍之山爲

副焉故爾雅曰霍山爲南嶽蓋因其副焉至漢武南巡又以

衡山遼遠道隔江漢於是乃徙南嶽之祭於廬江灊縣亦承軒轅副義也案白虎通德論及說文解字諸書皆以霍山爲南嶽蓋就漢制言之爾雅霍山爲南嶽之文亦是漢人附益至霍山爲副之說並無證據不足信矣應劭風俗通義乃謂衡山一名霍山牽合漢制以傳會經義失之遠甚

濟南人公玉帶 漢韓敕碑陰有公玉虎楊震碑陰有勃海公

玉子舉

井幹樓高五十丈師古曰幹或作韓 案作韓者是說文韓井垣也从韋取其市也軌聲

禪凡山 五帝本紀東至于海登丸山徐廣曰丸一作凡裴駰案地理志丸山在琅邪朱虛縣索隱作凡音扶嚴反正義音恒括地志丸山卽丹山在青州臨朐縣界朱虛故縣西北二十里據此則丸凡卽是一山其字當爲丸矣

雍縣無雲如霧者三 如讀與而同

東嶽泰山於博 博泰山縣

中嶽泰室於嵩高 嵩高潁川縣

南嶽瀟山於瀟 瀟山天柱山也亦謂之霍山爾雅大山宮小山

霍天柱中峯小四面有大山以環繞之宮之象也故謂之

霍瀟廬江縣

西嶽華山於華陰 華陰京兆縣西嶽華山廟碑云孝武皇帝

脩封禪之禮思登遐之道巡省五嶽禋祀豐備故立宮其下

宮曰集靈宮殿曰存德殿門曰望德門中宗之世重使使者

持節祀焉歲一禱而三祠

大王建國於郊梁 說文郊周大王所封在右扶風美陽中水鄉或作岐因岐山以名之

博問耆老意舊藏與 意讀與抑同

長一寸所 所猶許也許所古字通小雅伐木許許說文引作

伐木所所又疏廣傳數問其家金尙有幾所顏監曰幾所猶

言幾許

今行常幸長安 閩本無行字

遺候者乘一乘傳馳詣行在所 閩本南雍本無乘一兩字

不可或以神怪 或古惑字下放此

是故每奉其禮 奉南雍本閩本俱作舉

盡復前世所常興諸神祠官 閩本無諸字

後平伏誅 閩本伏下有詐字

始立泰一祠于甘泉二歲一郊 二歲南雍本閩本作三歲

周官天墜之祀 說文籒文地从隊从土淮南子墜形訓亦用

籒文

海廣大無限界 閩本廣大下有而字

北方帝顓頊黑靈玄冥時及月廟兩師廟辰星北嶽北宮于北

郊兆奏可劉原父曰兆奏兆字衍 按周禮春官小宗伯兆

五帝于四郊注云兆爲壇之營域說文兆畔也爲四時界祭

其中言月廟兩師廟之屬皆在北郊營域之中與上文未墜

兆東郊兆西郊兆南郊兆同皆于兆字斷句劉氏乃于郊字

斷句而謂兆字衍文誤矣

起八風臺於宮中臺成萬金作樂其上順風作湯液 惠士奇曰按內經黃帝問曰上古聖人作湯液醪醴爲而不用何也岐伯曰古聖人之作湯液醪醴者以爲備耳故爲而弗服也中古之世道德稍衰邪氣時至服之萬全當今之世必齊毒藥攻其中鑠石鐵艾治其外形弊血虛而功不立然則古之治病未有毒藥鑠石先有湯液醪醴故謂之醫一天二地三人四時五音六律七星八風九野身形亦應之人出入氣應風順風作湯液者時則訓所謂服八風水也故王莽起八風臺作樂其上說者謂八方之風朝會太乙豈其然言此黃帝穀傳之術也 李少君之穀道疑卽此也李奇以爲辟穀不食之道非是

自天地六宗以下至諸小鬼神凡千七百所 案志中所載鬼神名目悉數之不能終漢自孝武信方士之術所祠神靈鑿空無據者多新莽末年媚神尤甚卒以敗亡非所謂淫祀無福者邪今攷地理志所載得三百八十九所謹臚列如左

虎候山祠 在京兆藍田

太華山祠 在華陰

周天子祠二所 在湖

周右將軍杜主祠四所 在杜陵志云杜主五祠後置其一

故云四所

天齊公五牀山僊人五帝祠四所 在馮翊谷口此天齊公

又是一神也八神中之天齊淵水在臨菑

河水祠 在臨晉

依屠金人及徑路神祠三所 在雲陽

越巫縣鄴祠三所 在雲陽縣當作姑

汧水祠 在扶風郿夷

五時 在雍

太昊黃帝以下祠三百三所 在雍

黃帝子祠 在隄廩

上公明星黃帝孫參妻盲冢祠 在陳倉

黃帝子周文武祠 在號

垂山斜水雍水祠三所 在武功

天子廟 在何東大陽

堯山首山祠 在蒲反

延壽城僊人祠 在河南緱氏

沛廟 在東郡臨邑

蚩尤祠 在壽良

太室少室山廟 在潁川密高

天柱山祠 在廬江灊

恆山祠 在常山上曲陽

泰山廟 在泰山博

亭亭山祠 在鉅平

蒙山祠 在蒙陰

逢山祠 在齊郡臨朐

之罘山祠 在東萊腫

萊山松林萊君祠 在黃

海水祠 在臨朐

參山萬里沙祠 在曲成

百支萊王祠 在嶧

成山日祠 在不夜

太一僊人祠九所 在琅邪不其

三山五帝祠 在朱虛

四時祠 在琅邪

萊山萊王祠 在長廣

環山祠 在昌

江海會祠 在臨淮海陵

春申君祠 在會稽無錫

黑水祠 在益州滇池

崑崙山祠 在金城臨羌

端旬祠十五所 在安定朝那

湫淵祠 在朝那

五龍山帝原水黃帝祠四所 在上郡膚施

天封苑火井祠 在西河鴻門

天室山祠 在膠東卽墨

三戶山祠 在下密

江水祠 在廣陵江都

天文志

注孟康曰皆日旁氣也 皆闕本作量

注凡氣食日上爲冠爲戴 食日二字誤南雍本闕本作在日

北斗七星 七星之名西陽雜俎所載與運斗樞不同第一名

執陰第二名執諸第三名視全第四名拒理第五名防計第

六名開寶第七名招搖不知段氏何據

所謂旋璣玉衡以齊七政杓樞龍角衡殷南斗魁枕參首 徐

廣孟康注史漢俱以杓爲斗七星衡爲斗四星魁爲斗一星

其說最明運斗樞乃以一至四爲魁五至七爲杓則衡轉無

屬其說非是

曰文昌宮 潛夫論云文昌莫功司命舉過觀惡深淺稱罪降

罰

房心心爲明堂 後漢書郎顗傳云房心者天帝明堂布政之

宮

房有兩星曰杓 杓元命包作鉤鈐案志又云其後熒惑守房

之鉤鈐鉤鈐天子之御也則此疑亦當爲鉤鈐

火犯守角則有戰房心王者惡之 載闕本作戰火熒惑也熒

惑犯守箕尾氏自生芒角則有兵戰之事若熒惑犯守房心

及房心自生芒角則王者惡之也

延禧西有隨星四名曰少微 廷太微三光之廷禧隨衛十二

星也隨讀與墜同

畢曰畢車爲邊兵主七徽 說文畢田罔也从畢象畢形後漢

書蘇竟傳云畢爲天綱主綱羅無逆之君故武王將伐紂上

祭于畢求助天也

下有三星銳曰罰 後漢書郎顗傳云罰者白虎其宿主兵其

國趙魏

又曰祿星不出三年 祿俗作妖三閭本作五

熒惑爲亂爲成 成南雍本閩本及天官書並作賊

國得土不遇得女子 不遇得女子者不得土遇得女子也下

云不遇失女者不失土遇失女也

房心豫州尾箕幽州 後漢書蘇竟傳云房心卽宋之分東海

是也尾爲燕分滬陽是也

夏氏日月傳 夏氏不知何時人藝文志無此書

共下止地類物所墜 共南雍本閩本皆作其

格澤者如炎火之狀 閩本無如字司馬相如大人賦云建格

澤之脩竿兮

注李奇曰怒當首帑 首南雍本閩本並作言

去極遠近難知要以暑景 易通卦驗云冬至至人主不出宮寢

兵從樂五日擊黃鐘之磬公卿大夫列士之意得則陰陽之

暑如度數夏至之日如冬至之禮冬至之日置八神樹八尺

之表日中視其暑暑如度者其歲美人民和順暑不如度者

則歲惡人民多謫言政令爲之不平暑進則水暑退則旱進

一尺則日食退一尺則月食月食則正臣下之行日食則正

人主之道暑進爲盈暑退爲縮冬至暑長一丈三尺小寒暑

長一丈二尺四分大寒暑長一丈一尺八分立春暑長一丈

一尺六分雨水暑長九尺一丈六分驚蟄暑長八尺二寸春

分暑長七尺二寸四分清明暑長六尺二寸八分穀雨暑長

五尺三寸六分立夏暑長四尺三寸六分小滿暑長三尺四

寸芒種暑長二尺四寸四分夏至暑長一尺四寸八分小暑

暑長二尺四寸四分大暑暑長三尺四寸立秋暑長四尺三

寸六分處暑暑長五尺三寸二分白露暑長六尺二寸八分

秋分暑長七尺二寸四分寒露暑長八尺二寸霜降暑長九

尺一丈六分立冬暑長一丈一丈二寸小雪暑長一丈一尺

八分大雪暑長一丈二尺四分

暑過而長爲常寒 過荀紀作進

月有九行者 尙書考靈耀云萬世不失九道謀鄭注引河圖

帝覽嬉與天文志正合廣雅云立春春分東從青道二出黃

道東交于房二度中立夏夏至南從赤道二出黃道南交于

七星四度中立秋秋分西從白道二出黃道西交于胃十二

度中立冬至至北從黑道二出黃道北交于虛二度中四季

之月還從黃道。

食至日跌爲疾跌至晡爲黍 南雍本跌皆作跌疾作覆

故客謂張耳曰東并秦地 并南雍本閩本作井

在燭簡且去益小 且南雍本閩本作旦

且去時大如桃 且閩本作旦

占曰爲白衣之會非秦也 非南雍本闕本作井

有星孛於注張 注卽柳也爾雅釋天昧謂之柳律書云注者

言萬物之始衰陽氣下注故曰注索隱曰注昧也天官書云

柳爲鳥注主本草

元封中星孛于河成占曰南成爲越門北成爲胡門 三史拾

遺曰河成南成北成皆成字之譌東井西曲星曰成成北三

星爲北河南三星爲南河所謂南成北成也史記天官書朝

鮮之拔星弗于河戒蓋亦成字俗儒不通六書譌寫爲戒俗

一行因有兩戒之說謂天下山河之象存乎兩戒且引星傳

北戒爲胡門南戒爲越門之文不知爲成之譌也

星孛于招搖傳曰 搖字下南雍本闕本俱有星字

東北往數日至往疾去遲 往闕本作住

河平二年十月 前已云河平元年矣此河平二字疑衍

東方有赤色大三四圖 闕本赤下有白字

王氏之興萌于成帝 南雍本闕本帝下有時字

五行志上

則陰氣協本木先寒 協南雍本闕本作脅

劉向以爲齊桓好色聽女口 左氏傳齊侯好內服虔曰內婦

言也

故致太災 太南雍本闕本作大

釐公二十年五月己酉西宮災 左氏作乙巳南雍本闕本與

左氏同

左氏以爲西宮者公宮也 左傳無此文是左氏說

言宮舉區皆災也 區闕本作國

成居喪亡哀戚心數與兵戰伐 心闕本作宣予謂心下脫宣

字

陳番章 章左氏作揭

妃以五陳 陳左氏作成南雍本闕本與左氏同下文亦云故

曰妃以五成

鳳詠章以大逆舉下獄死 舉闕本作章

皇后年六歲而立十三年而昭帝崩 外戚傳皇后立十歲而

昭帝崩后年十四五云此十三年疑當作十年三字衍

闕法令所從出也 南雍本闕本闕上有門字

又后起于微賤與趙氏同 同字下南雍本闕本皆有應字

不成者眾及爲變怪 及闕本作乃

共殺威公嚴釋父讎 威闕本作桓上文桓字五見此處不應

獨作威闕本是

五行志中之上

左氏使桓公十三年 使南雍本闕本皆作傳

成肅公受賑于社 賑當作賑

朝有著定 著通作止門屏之間也周語云大夫士曰恪恪

以微其官釋名止也將見君所止立之處也

注鄭公子士及堵俞彌 士下南雍本闕本有洩字

注高九尺鐵爲卷 尺南雍本闕本作寸

又見大白狗冠方山冠而無尾 昌邑王傳云嘗見白犬高三

尺無頭其頸以下似人而冠方山冠

不敬而備霜之所致也 服虔音霜為人備霜本此

晉爲溴梁之會 閩本晉下有侯字

二卿而五大夫 二閩本作三

趙孟曰天平 天宋板左氏傳作天

昊天不弔 吳南雍本閩本作旻注同

秦伯使遂來聘 遂西乞術也術遂古字通

還過枳道 枳道卽軹道

機高后掖師古曰機謂拘持之 說文揭義持也拘當作揭

掩其服以爲人義 服當作眼南雍本閩本不誤

京房易傳曰復崩來無咎 陸德明易釋文云朋京房本作崩

後三世周致德祚於秦 陳景雲曰後三世謂顯王之世也致

德祚謂顯王九年致文武胙于秦也以胙爲祚傳寫失之晉

說非

五行志中之下

羊上角下號 號南雍本作號

於易五爲天位爲君位 閩本無下爲字

山陽囊茅鄉社有大槐樹 杜預曰茅鄉在高平昌邑縣西

與諸呂同眾 眾南雍本閩本作衆

而恒有妒媚之心 媚閩本作媚

四月乙亥朔御史大夫朱博爲丞相 公卿表作乙未

少府趙元爲御史大夫 公卿表元由中尉遷非少府也

五行志下之上

則區霜無識師古曰區音口豆反 案區霜卽備霜

王心弗載 我閩本作或說文或殺也从戈今聲徐鉉音口含

切郭注爾雅引書西伯堪黎堪戎同

是歲二川竭 二閩本作三

陳閔公使使問仲尼 魯語作陳惠公韋昭曰惠公陳哀公之

孫悼太子之子也

遂自賢聖 賢聖閩本作聖賢

正月民驚走持橐 閩本作五月

聚會里巷仵伯設祭張博具 仵伯卽阡陌也閩本無祭字

五行志下之下

史記曰食或言朔而實非朔 曰南雍本閩本作日

襄公十五年八月丁巳日有食之 丁巳下閩本有朔字

文帝三年十月丁酉晦日有食之在斗二十三度 閩本作二

十二度

景帝 案景帝四年十月戊戌晦日有食之中四年十月戊午

日有食之皆見本紀志失載

書曰乃用其婦人之言 此牧誓文也志及谷永傳注師古竝

以爲泰誓疑誤

皆字星災之所及 災與饑同後流災亡災放此

卷中凡春秋十二公又凡漢著紀十二世又成帝建始元年

閩本皆不提行

漢書辨疑卷十四

嘉定錢大昭撰

地理志上

隨山栳木 栳今作刊借用耳說文栳槎識也夏書曰隨山栳

木栳篆文

中繇木條 說文中艸木初生也古文或以爲艸字繇說文作

蘇云艸盛兒

浮于汶達于沛 案上文兗州下文揚州達皆作通此疑亦當

作通

榮波旣豬 波史記作播皆借用字說文潘水名在河南滎陽

禹貢滎潘同稱卽此潘矣

岷嶓旣藝 岷閬本作嶓注同下文嶓山皆作嶓閬本是

又東至于荷 荷當依說文作荷

二百里納鈺 納南雍本閩本作內上下文皆爲內此納字誤

京兆尹 平帝紀元始四年分京師置前輝光後丞烈二郡

長安 本名咸陽秦所都水北曰陽其地在渭水之北

戶八萬八千二百二十四萬六千二百 縣之戶口兼書者惟京

兆之長安馮翊之長陵扶風之茂陵潁川之陽翟僑陵五縣

耳書戶不書口者惟河南之雒陽南陽之宛蜀郡之成都昌

國之魯楚國之彭城五縣其他俱不書戶口

新豐高祖七年置 史記本紀作十年置非也新豐爲太上皇

而設漢之十年太上皇已崩矣

漢書辨疑卷十三終

津鄉文廷俊書馬黎永椿鄭樵林國贊校字

華陰 續志屬區農

太華山在南有祠豫州山 禹貢山川及職方山鎮巨浸數澤
志特標明之

鄭 說文鄭周厲王子友所封宗周之滅鄭徙潛消之上今新
鄭是也

湖 後漢屬恆農劉昭曰前志有鼎湖

故曰胡武帝建元年更名湖 建元下脫一字太平寰宇記作
建元元年

下邳 隴西有上邳故此云下

南陵沂水出藍田谷北至霸陵入霸水 據說文及水經注攷
之是濇水也師古音沂爲先歷反未之攷耳

奉明宣帝置 史皇孫奉明園在此縣本名廣明元康元年已
杜陵故杜伯國 杜伯事見墨子

左馮翊衙 漢蒼頡廟碑作御
栗邑 薛宣傳云縣小僻在山中

鄭 說文鄭左馮翊縣从邑廣聲俗作鄭非是
頻陽秦厲公置 厲當作其薛宣傳云北當上郡西河爲數郡

湊

臨晉芮鄉故芮國 通典同州馮翊縣古芮國

沈陽 據水經注當作沈陽

襄德剗山下有襄梁原 王念孫曰壘梁當作剗集

長陵 續志屬京兆

陽陵 續志屬京兆

雲陽有越巫姑鄢祠三所 三史拾遺曰歸廣韻作姑从从

歸皆無意義當是姑之譌說文辜辜也古文作姑周禮大宗
伯以醯辜祭四方百物鄭司農云披礫牲以祭若今時礫狗

祭以止風姑鄢蓋醯辜之遺制與說文占部又有姑字訓爲
枯音義亦近

右扶風高帝二年更爲中地郡九年罷 案公卿表高帝十年
尚有中地守宣義疑非九年罷也

槐里有黃山宮 西京賦云繞黃山而款牛首
鄢古國有扈谷亭 亭上脫甘字說文扈夏后同蔡所封戰于

甘者在鄢有扈谷甘亭水經渭水注云甘水又北逕甘亭西
昔夏啟伐有扈作誓於此亭是鄢與扈同故云古國也

鄢水出東南 說文鄢周文王所都京兆杜陵西南通鄢
今京兆府長安縣西北雲興豐水上

又有潏水皆北過上林苑入渭 說文潏水出扶風鄢北入渭
與此相符則潏當作潏矣說文又有潏字注云水名在京兆

杜陵此別是一水非入渭之水也
釐周后稷所封 說文部炎帝之後姜姓所封周棄外家國右

扶風釐縣是也部釐古字通左傳魏駘芮岐畢又作駘亦段
借用之

美陽中水鄉 說文邽周大王所封在右扶風羊中水鄉水

經注岐水歷周原下北則中水鄉成周聚水北卽岐山

郿 郡縣志云本秦縣今縣東二十五里有故城今縣周天和元年築縣在渭水南一里縣治城南當斜谷

入蒙籠渠 籠當作龍

雍秦惠公都之 惠當作惠史記秦本紀德公元年初居雍城大鄠宮水經注亦云德公

大吳黃帝以下祠三百三所 郊祀志雍舊祠二百三所此三字誤應爲二百

漆水在縣西 說文漆水出右扶風杜陵岐山東入渭案徐廣及十三州志並云出杜陽岐山海經云嶽次之山漆水出焉水經云出杜陽嶽山嶽俞同字則嶽山疑岐山旁之小山矣叔重以爲杜陵杜陵在京兆非扶風顯係傳寫之誤

汧吳山在西 封禪書有吳岳徐廣曰在汧

汧水出西北入渭 水經注渭水東與楚水合世所謂長蛇水

出汧縣之數歷山南流注于渭關輒以爲汧水焉

汧水出西北東入渭 周禮職方雍州其川涇汭郡縣志涇州

良原縣有汭水一名宜祿縣西自隴州華亭縣流入

安陵 關輒以爲本周之程邑案程與郿同文王卒于郿是

其地矣

茂陵武帝置 水經渭水注云茂陵縣武帝建元二年置地理

志曰宣帝縣焉今作武帝置或後人因水經注追改邪

武增大臺山古文以爲終南 左傳昭四年作中南案張平子

從面終南而背雲陽跨平原而達諸家果杜卓太一不得

近 之一山李善曰終南南山之總名太一一山之別號其說差

至南鄠入河 至上應有南字

有垂山斜水淮水祠 淮疑當作雍

莽曰新光 案莽傳云以武功縣爲安漢公采地名曰漢光邑

其後莽改國號爲新故爲新光

弘農郡弘農衙山領下谷 衙山領郡國志注作衙山并

盧氏熊耳山在東伊水出 出上當有所字

又有育水南至順陽入河 育水亦謂之均水水經均水出析

縣北山南入于河注云均水發原盧氏縣熊耳山縣即析縣

之北鄉故言出析縣之北山下文均水東至析入鈞鈞即育

水也

陝西縣在雍州 州字衍左氏傳隱元年鄭人以虢師伐衛杜

注虢西虢也弘農陝縣東南有虢城

丹水 續志屬南陽

新安 本紀元鼎三年冬徙函谷關于新安以故關爲弘農

商 續志屬京兆

析 續志屬南陽

上雒 續志屬京兆

河東郡秦置 案河東魏豹地漢二年虜豹始置薛宣傳云

河東郡尉趙護爲廣漢太守今此郡諸縣不言有都尉治或

是謂文河南河內河東皆屬司隸謂之三河丞相遺史刺之
故田叔傳云使刺三河也此郡當云屬司隸

縣二十四 尹翁歸傳云河東二十八縣分爲兩部關隴部汾
北翁歸部汾南今云二十四蓋元始時縣數如此

大陽吳山在西上有吳城 吳城郡國志作虞城吳虞古字通
左邑葬曰兆亭 水經注作兆亭

門喜故曲沃武帝行過更名 武帝紀元鼎六年至左邑桐鄉
聞南越破以爲聞喜縣三國志高貴鄉公詔曰漢孝武元鼎

中改桐鄉爲聞喜新鄉爲從嘉以著南越之亡據此是武帝
以左邑之桐鄉特置此縣非改曲沃縣爲聞喜也

平陽 平陽之封至後漢猶未絕也疑脫侯國二字
襄陵有班氏香亭 水經注汾水又南歷襄陵縣故城西晉大

夫卻曄之邑也故其地有曄氏鄉亭矣據此則班當爲曄香
當爲鄉

驪侯國 驪侯所封表注北屈疑北屈字置
太原郡秦置 秦本紀莊襄王四年初置太原郡始皇本紀八

年又以河西太原郡更爲秦國漢初置秦魏二年虜魏豹始
置

有家馬官 案百官表太僕屬官已有家馬大原復有之又在
邊郡六牧師苑之外矣

龍山在西北有鹽官晉水所出東入汾 案太原郡下已有鹽
官在晉陽此處有鹽官三字衍文水經汾水過晉陽縣東晉

水從縣南東流注之

汾陽北山汾水所出南至汾陰入河 案山海經云晉陽之山

汾水出焉水經云汾水出汾縣北管涔山西至汾陰縣北西

入于河然則北山卽管涔山矣

大陵 史記衛綰傳云綰代大陵人知故屬代郡

原平 續志屬雁門

上艾 續志屬常山

廣武 續志屬雁門

河主賈屋山在北 本志雁門郡句注山在陰館廣武與陰館

毗連故載之婁敬傳是時漢兵以陰句注夏侯嬰傳從擊胡

騎句注北是也此作河主誤

上黨郡秦置 高帝二年定魏地置郡之屬縣無都尉治秦杜

業傳左遷上黨都尉

屯雷桑欽言絳水出西南東入海 海當作漳

余吾 續志無李賢曰余吾故城在今潞州屯雷縣西北

沾大屯谷清漳水所出 屯當作與古要字

高都莞谷丹水所出東南入沁水 據水經注當作絕水閭本

作絕

河內郡朝歌 劉昭曰前書注云鹿臺在城中今本脫

隆慮國水東北至信成 水經洹水出上黨洹氏縣東過隆慮

縣北據此則國當作洹

河南郡故秦三川郡 秦本紀莊襄王二年初置三川郡其後

李由爲三川守司馬貞曰地有伊洛河故曰三川

莽曰保忠信鄉 莽曰上脫口數鄉莽傳作鄉

雒陽春秋昭公二十一年 當作三十二年

莽曰宜陽 莽傳作義陽

榮陽 王莽傳云以陳留以西付祈隧祈隧故榮陽據此疑脫

莽曰祈隧四字隧與隊同莽置六隊河南亦在其中是榮陽

乃祈隊大夫治

偃師莽曰師成 水經穀水注師成作師氏

中牟有莞叔邑 當作有莞城故莞叔邑括地志鄭州管城縣

今州外城卽管國城叔鮮所封

河南故鄭鄆地 國語晉文公定襄王于鄭章昭曰洛邑王城

之地也

穀成 續志屬東郡

密有大騾山潁水所出南至臨潁入潁 說文潁水出河南密

縣大隗山南入潁又有潁字云水出河南密縣東入潁蓋說

文重出此字水經注無潁水也

東郡秦置 秦始皇本紀二年初置東郡

縣二十二 史記信陵君傳秦使蒙驁攻魏拔二十城初東

郡始皇本紀同是秦時領縣二十也

濮陽應劭曰濮水南入鉅野 據水經濟水注濮水南入鉅

野 句係本注應劭曰三字疑衍

荏平 續志屬濟北國

東武陽 泰山有南武陽故此云東

禹治潁水 治當作貢

離狐 續志屬濟陰

須昌 續志屬東平國

壽良 續志屬東平國

蚩尤祠在西北 壽良縣西北卽東平陸監鄉

白馬 戴延之西征記云白馬故城衛之漕邑

南燕南燕國姑姓 下南燕二字疑誤當云故國羅泌曰南燕

伯爵伯僞國后樓妃南燕姑氏也今滑之胙城東北漢南燕

縣隋改曰胙

陳邱 續志屬濟陰

陳留郡陳留魯渠水首受狼湯渠東至陽夏入渦渠 渦說文

作過云水受淮陽扶溝狼湯渠東入淮

監陵 續志屬梁國

襄邑有服官 司馬彪與服志云衣裳玉佩備章公乘與刺史

公侯九卿以下皆織成陳留襄邑獻之云

封邱濮渠水首受沛 關駟曰首受別沛北沛也

長羅侯國 常惠所封李賢曰故城在今滑州巨城縣東北

僞 續志屬梁國

濟陽 孝景中六年封梁孝王子明爲濟川王濟陽其國都也

潁川郡秦置 始皇本紀十七年內史騰攻韓盡納其地以其

地爲郡命曰潁川

昆陽 南陽魯陽有昆水東南至定陵入汝縣在昆水之陽也
潁陽應劭曰潁水出陽城 案陽城山有水所出非潁水也潁
水出陽城之陽乾山

成安侯國也 郭忠所封也字衍

周承休侯國 姬延年所封姬嘉初封周子南君至初元五年

山君而進爵耳其地未之改也表注長社蓋析長社置

元始二年更名鄭公 二當作四鄭當作說詳恩澤侯表

休音許虬反 休字上脫師古曰三字

汝南郡莽曰汝汾分爲賞都尉 三史拾遺曰案王莽傳有賞

都大尹王欽則賞都乃郡名後人誤添尉字耳宜祿縣莽改

曰賞都亭亦賞都爲郡名之一證

陽城侯國 平干頃王子劉田所封

潁強 潁說文作潁云水出潁川陽城少室山東入潁水經潁

水出潁強縣南澤中東入潁注云潁水出潁川陽城縣少室

山東流注于潁水而亂流東南經臨潁縣西北小潁水出焉

女陽 女古汝字下女陰同

安成侯國 王崇所封

細陽 水經潁水注引地理志云細水出細陽東南入潁今無

此文細說文作洶云水出汝南新鄭入潁

宜春侯國 王訢所封豫章亦有宜春續志汝南之宜春有北

字
女陰故胡國 胡下當有子字

新息 息說文作鄔云姬姓之國在淮北

潁陽 水經潁水出吳房縣西北與山東入汝注潁入潁潁入

汝

弋陽侯國 任宮所封

歸德侯國 先賢擇所封

安昌侯國 張禹所封

安陽侯國 未詳何人封國攷上子侯表元朔三年封濟北貞

王子樂爲安陽侯傳至元孫亡後濟北封域不能至汝南且

表中明注平原必非汝南之安陽矣

博陽侯國莽曰樂家 丙吉所封樂家水經注作樂嘉

成陽侯國 楚思王子祿所封

定陵高陵山汝水出 出上當有所字淮南子汝出猛山注猛

山一名高陵山在汝南定陵縣諸書惟淮南子注與漢志合

山海經則云汝水出天息山在梁勉鄉西南入淮極西北一

曰淮在期思北注云今汝水出南陽魯陽縣大孟山東北

至河南梁縣東南經襄城潁川汝南至汝陰襄信縣入淮說

文解字則云汝水出恆農廬氏還歸山東入淮水經與山海

經同杜預釋例與郭注同皆與班志不合

南陽郡秦置 秦本紀昭襄王三十五年初置南陽郡

宛戶四萬 閩本作四十萬誤

杜衍 續志無李賢曰杜衍故城在今鄧州南陽縣西南

育陽 育水名說文作涓

博山侯國故順陽 孔光所封表亦注順陽蓋哀帝改順陽爲

博山以封光國除之後仍爲順陽縣耳應劭以爲明帝改曰

順陽誤矣

堵陽 水經清水注引地理志堵陽有堵水今無此文

雒衡山澧水所出東至鄧入汝 鄧當作鄧潁川縣也師古音

屋誤矣

舞陰中陰山澧水所出東至蔡入汝 中陰誤說文作中陽蔡

當作上蔡

穰 說文作鄴

鄧育水出西北南入漢 說文清或曰出鄧山西

安眾侯國 長沙定王子丹所封

隨屬鄉故屬國也 屬卽賴也左傳僖十五年齊師曹師伐屬

杜注屬楚與國義陽隨縣北有屬鄉桓十三年楚子使賴人

追之杜注與伐屬同昭四年經云楚伐吳遂滅賴公羊作厲

是古字通

魯陽魯山澧水所出 魯山誤說文澧水出堯山據水經注當

有莽曰魯山四字

春陵侯國 長沙定王子買所封建武十八年更名章陵

新都侯國 王莽所封南陽新野之都鄉也

紅陽侯國 王立所封

樂成侯國 許延壽所封表注平氏蓋析平氏置

博望侯國 許舜所封

復陽侯國 長沙頃王子延年所封

南郡高帝元年更爲臨江郡 臨江下郡字當作國頃羽封共

敖爲臨江王

江陵秦拔我郢徙東 東當作陳頃襄王徙陳

秭歸歸鄉故歸國 國上當有子字

江夏郡下雒 南陽有雒故此加下

鍾武侯國 長沙頃王子度所封續志屬零陵永建三年更名

重安

廬江郡淮水出 淮當作漣水下當有所字說文漣水出廬江

入淮

漣 續志作潛古字通尚書江沱潛漢書作漣

松茲侯國 六安共王子霸所封

九江郡當塗侯國 魏不害所封

注禹所娶塗山侯國也 侯字衍

博鄉侯國 六安穆王子交所封

曲陽侯國 王根所封續志作西曲陽

山陽郡戶十七萬二千八百四十七口八十萬一千二百八十

八 案張敞傳云戶九萬三千口五十萬以上戶口懸殊蓋

孝平時戶口增衍實數如此

南平陽 泰山有東平陽故此云南

成武 續志屬濟陰

原书缺页

原书缺页